

समे – 12:25 hrs.

<><><><><><>

खबरां-----

Railway-Minister USBRL

केंद्री मंत्री अश्विनी वैश्वगव होरें शुक्रवारें आखेआ जे उधमपुर-श्रीनगर-बारामुला रेल संपर्क परियोजना नै 5 करोड़ ध्याड़िं दा रोजगार पैदा कीता ऐ। आकाशवाणी दे जम्मू संवाददाता नै जानकारी दिती ऐ जे कल राज्यसभा च जानकारी दिंदे होई मंत्री होरें आखेआ जे इस प्रोजेक्ट दी मदद कन्नै जम्मू-कश्मीर च दूर दरेडे इलाके तोड़ी संपर्क राबता ते आर्थिक गतिविधिं गी बढ़ावा थहोआ ऐ। उनें आखेआ कि 272 किलोमीटर परियोजना जेड़ी हाल च गै चालू कीती गई ऐ, कश्मीर गी रेलै राएं मुल्खै दे बाकी हिस्सें कन्नै सिद्धे जोड़ा करदी ऐ। इस परियोजना दी मदद कन्नै सेअऊ बपारिं दा उत्पाद सिद्धे बड़्डे-बड़्डे बजारें तगर पुज्जै करदा ऐ। मंत्री होरें दस्सेआ जे रेल संपर्क गी घाटी दे होरनें हिस्सें तोड़ी पुजाने लेई 46 किलोमीटर बारामुला-उड़ी नमी रेल लाइन ते 188 किलोमीटर बनिहाल बारामुला रेल लाइन गी डबल करने गितै सर्वे दा कम्म मुकममल होई चुके दा ऐ ते इन्डे बारै तफसीली प्रोजेक्ट रिपोर्टा बी तयार करी लैतियां गेदियां न।

<><><><><><>

CM-Hazratbal

मुख्यमंत्री उमर अब्दुल्ला हों 2 यादगारी गेट बाब-उल-सलाम ते बाब-उल नूर दा श्रीनगर दी दरगाह हजरतबल थाहर नीह पत्थर रक्खेआ। एहदा मकसद श्राइन दी विरासत गी बचाना, ांचागत सुविधाएं च बाददा ते इत्थे औने आहले सैलानिएं दे अनुभव गी होर बेहतर बनाना ऐ। इस मौके पर मुख्यमंत्री हुंदे सलाहकार नासिर असलम वाणी, विधायक तनवीर सादिक ते होर दुए अफसर मौजूद हे। इनें दौने ांचें दा निर्माण 129 लक्ख 68 जहार रपे कन्नै होग।

<><><><><><>

Dar-Sports

राईबाई मंत्री जावेद अहमद डार हों आखेआ ऐ जे सरकार खेँ आहले ांचे गी आधुनिक सुविधाएं कन्नै लैस करा'रदी ऐ तां जे इच्छुक खडारिएं गी मदद थहोई सकै। एह गल्ल उनें बारामुला च इक खेँ मैदान दे विकास लेई कम्मै गी शुरू करोआंदे होई आकखी। इसी जेएण्डके खेँ परिशद आसेआ 70 लक्ख रपे दी लागत कन्नै तयार कीता जा'रदा ऐ। इस मौके पर बोलदे होई मंत्री डार हों जोर देइए आखेआ जे इनें खेँ मैदानें कन्नै मुकामी युवाएं गी लाह होग ते उन्दे हुनर गी निखार थहोग।

<><><><><><>

Indigo-Flight

जम्मू ते श्रीनगर ब्हाई अड्डे पर इंडिगो जहाज कंपनी दिएं डोआरिएं दे रद्द होने कारण सैकड़ां बद्दे यात्रिएं गी बड़ी मती दिक्कतें दा सामना करना पेआ। मुख्य भरै च इंडिगो दे जहाजें च पाइलेटें दी बहाली आहले मुद्दे दे चलदे श्रीनगर थमां 13 ते जम्मू थमां 11 डोआरियां रद्द कीतियां गेइयां ते इस संकट दे चलदे कल्लै गी नो आप्रेशन डे घोशित कीता गेदा हा, यानि इस ध्याड़े कोई जहाज नई चलोग। श्रीनगर ब्हाई अड्डे पर कल इंडिगो दियां 18 डोआरियां पुज्जनियां हियां ते 18 गै उत्थुआं डोआरी भरनी ही।

<><><><><><>

MBBS-Seats

सेहत ते परिवार कल्याण मंत्रालय नै जानकारी दिती ऐ जे राश्ट्री मेडिकल आयोग नै कल आखेआ ऐ जे जम्मू-कश्मीर गी 2025-26 आहले शैक्षणिक सत्र लेई 379 एम.बी.बी.एस ते 118 पी. जी सीटां लाट कीतियां गेइयां न। आकाशवाणी दे जम्मू संवाददाता नै जानकारी दिती ऐ जे जम्मू-कश्मीर दियां नमियां मंजूर कीती गेदियां सीटां मुख्यै च 44 नमें मेडिकल कालजें ते 11 जहार 732 एम.बी.बी.एस दिएं सीटें दे बधने दा हिस्सा ऐ। मंत्रालय नै अगगे आखेआ कि जम्मू-कश्मीर च केंद्र प्रायोजित स्कीम तैहत जिला अस्पतालें कन्नै जुड़े दे नमें मेडिकल कालेज बनाने दे कम्मै च बारामुला ते कुपवाड़ा जम्मू-कश्मीर दे आकांक्षी जिले न जेहड़े पैहल दी विनाह पर विचार करने लेई योग्य न जिसलै जे राजौरी जनजातीय जिले दी श्रेणी च औंदा ऐ।

<><><><><><>

CS-Health

मुख्य सचिव अटल डुल्लू होरें कल इक बैठक लाइयै सेहत ते मेडिकल शिक्षा मैहकमे कन्नै जुड़े दे महत्वै आहले प्रोजेक्टें दा जायजा लैता। इस दरान उनें क्रिटिकल केयर ब्लॉक्स-सी.सी.बी दी प्रगति जिनें गी प्रधानमंत्री आयुष्मान भारत सेहत ांचागत मिशन तैहत कायम कीताजा'रदा ऐ, दा जायजा लैता। एहदे अलावा उनें इमरजेंसी कोविड रिस्पांस पैकेज II/ IHIP दे विस्तार, NCDS Laboratories/ VRDL सुविधाएं दा जायजा लैता। बैठक दरान डुल्लू होरें PM-ABHIM तैहत 800 करोड़ रपे दे प्रोजेक्टें ते ECRP-II तैहत 166 करोड़ रपे दी परियोजनाएं गी समें सिर पूरा करने लेई गलाया।

<><><><><><>

Spl Prog Announcement

आकाशवाणी जम्मू दा क्षेत्रीय समाचार एकांश अज्ज अपना 55मां स्थापना दिवस मना करदा ऐ ते इस खास मौके पर अस तुंदे लेई 30 मिन्टें दा इक बशेश कार्यक्रम प्रसारत करै करने आं। इस बशेश कार्यक्रम दा विशे होग- “क्षेत्रीय समाचार एकांश जम्मू दे 54एं बरें दा सफर” इस बशेश कार्यक्रम दा प्रसारण अज्ज दपैही साङ्गे 12 बजे कीता जाहग। इस कार्यक्रम च समाचार एकांश दे प्रधान रेई चुके दे अधिकारी, संपादन दे कम्मै कन्नै जुड़े दा अमला, समाचार वाचक ते ते साढ़े श्रोता, समाचार एकांश दे कम्मकाज बारे अपने बचार सांझे करडन। इस कार्यक्रम दी मेजबानी साढ़े न्यूज एंकर विजय बजाज आसेआ कीती जाहग। एह कार्यक्रम तुस मीडियम वेव 303 मीटर यानि 990 किलोहर्ट्ज़ ते एफ.एम. 100.3 मैगाहर्ट्ज़ पर सुनी सकदे ओ।